

清·方略館 編

# 清代 方略 全書

北京圖書館出版社





清代方略全書

六六

清·方略館編

北京圖書館出版社

清·慶桂等撰

欽定剿平三省邪匪方略

正編卷一〇一——一〇九

清嘉慶十五年（一八一〇）武英殿刻本

欽定剿平三省邪匪方略正編卷一百一

五十年

圖書

五月十二日

巳

勒保奏言查卜三聘

一股在

竹園踞險抗拒經額勒登保於十三十六等日

兩次督兵攻擊雖有斬獲因山險未能竟上

在躡路進攻忽據探報後路江口糧站被張子

聰一股賊匪由屈竹堆衝出搶失米石殺傷大

役欲圖斷絕糧道額勒登保即親帶官兵六馳往

截擊適阿哈保楊遇春帶兵追至兩面夾攻斃  
賊二百餘名生擒秦義等三十七名餘匪向訥  
家壩一路翻山竄去而卜三聘一股因見額勒  
登保回剿江口之賊卽連夜由黃土坡百草場  
竄入大寧老林又欲引官兵進去施其乘緩伎  
倆額勒登保因後路既有張子聰阻我糧運正  
須迅速殲除遂一面飛飭七十五就近帶領兵

勇堵剿卜三聘一股不使東竄一面卽督率阿  
哈保等由謝家壩進發二十一日抵三匯口淨  
獲賊匪張斌等訊悉張子聰在大旺山與徐添  
德樊人傑龔建等商量欲分竄川陝交界老口  
林內潛匿使官兵無從尋捕維時德楞泰一路  
官兵已將徐添德一股追過南壩場額勒登保  
卽由木箐一帶進抵楊柳關探聽張子聰在土

黃壩等處屯聚二十四日午刻至黃金坪趕上  
賊蹤遂派阿哈保豐紳等分兵兩翼三路進攻  
該匪等一見官兵亡命奔竄沿途追殺二十餘  
里斃賊一百餘名生擒蕭得信等二十三名二  
十六日追至崖山塢知賊在通江所屬竹峪關  
北距陝境不遠額勒登保恐追躡太急必至竄  
入陝疆且通江洪口一路又有自西鄉折竄之

王登廷等在彼游奕距崖山塢甚近設被其截  
我後路未免腹背受敵現在偵探賊蹤擬卽就  
近先剿洪口之賊至德楞泰一路於十二日自  
譚家壩進發十五日在三教寺地方趕上樊八  
傑一股殲賊七十餘名生擒周登雲等十二名  
知徐添德龔建均屯大旺山及趕抵該處匪衆  
又分股散竄我軍卽由燈草壩南壩場一路追



剿二十三日。至樊噲店。適徐添德後隊賊匪數百人在彼造飯。德楞泰卽催兵掩殺該匪。猝不及防。殲斃一百餘名。生擒騎馬賊目蔣尙銘並牙手郭廷奇等二十六名。投出難民徐仁等八十五名。訊知徐添德與樊人傑龔建在舊縣壩前後竄入干江河。仍欲折回渡口場。因徐添德不肯赴陝。在馬家嶺爭鬧。令樊人傑往找龍紹

周合夥徐添德龔建仍欲在太平大寧交界箐  
林內躲避德楞泰卽由太平裹帶數日口糧由  
官渡溪倍道抄出賊前截其竄陝之路至包正  
洪自與高姓郝姓之賊合夥後由消水灣竄逸  
經總兵朱射斗帶兵趕殺十七日起至甘玉坪  
正值賊匪在彼圍攻民寨該鎮卽督率兵勇奮  
力上撲斃賊一百餘名生擒鄧文學等十四名

餘匪奔潰朱射斗復帶兵追壓詎樹林內突出  
數賊持矛直撲該鎮左腿受傷幸不甚重尚可  
乘騎帶兵當經兵勇將此數賊擒獲齧割額勒  
登保因聞該鎮受傷前經臣派令七十五會同  
朱射斗協剿又因堵截卜三聘一路緊要未能  
前來恐該鎮兵力單薄卽就近撥出副將王清  
弼帶領兵丁二千餘名馳往剿辦二十二日追

至梁山之魏家寨地方適署知縣方積率領鄉  
勇堵截前來兩面夾擊又斃賊一百餘名生擒  
夏之榮等十六名投出難民李文煥等七十五  
名口現向墊江隣水境內追躡前進此連日川  
省各路軍營之打仗情形也臣查竹峪關渡口  
場等處均距陝省西鄉紫陽交界不遠現已飛  
飭王文雄慶溥柯藩等策勵兵勇認真防堵並

知會額勒登保德楞泰務須設法將賊匪截回  
川省相機痛剿現在陝西之賊張漢潮在棧道  
之東張映祥在棧道之西川省需餉甚亟設被  
梗塞關係非輕臣又飛咨明亮恒瑞永保務當  
趕緊剿辦毋使闖入棧道且督臣松筠行走迅  
速刻下已由川赴陝與明亮等會商籌剿自更  
有濟再張添倫一股賊匪前據探報由平利竄

入竹谿當經臣飛咨倭什布督飭將備實力堵

剿嗣據探報叅將董寧川等獲有勝仗現又折

回陝省白河境內臣因楚賊屢欲竄回本境防

堵更須嚴密倭什布一路兵力稍單查前次廣

西更換兵丁四百九十六名先經臣遵此大計

旨停調近據高杞咨會此項兵丁先後入楚距川已

近未便拘泥停止令其遠道轉回是以仍令來

川臣思此項兵丁既經高杞令其赴川則距粵

西更遠刻下楚省正當堵剿需兵之際自應就

近派合馳赴倭什布軍營以資得力至此次打

仗額勒登保一路副將佟世徵受傷陣亡其餘

各路弁兵亦間有傷亡者容俟查明咨部再查

興漢鎮總兵艾如文因剿辦林亮功股匪致

令乘間竄逃經臣

奏明拔去花翎在前敵打仗

甚知奮勉上年七月間在安樂坪奪卡石傷左手腕該鎮帶傷料理營卡不肯稍懈嗣因傷發較重臣卽令其在開縣調養近來傷雖平復已

成殘廢情殊可憫又建昌鎮總兵劉君輔素有肝疾時發時愈自三月以來疾發不止兩足浮

腫額勒登保令其在房縣調養經臣委員驗視

屬實斷難速痊再陝西定邊副將白守忠年近



七旬近頗衰邁難以帶兵可否仰懇

天恩將艾如文

賞還花翎令其原品休致在家食俸劉君輔白守忠

二員卽令回籍以原品休致再臣更有請者行

軍日久將弁未免稍疲如有貽誤重大軍情及

退縮不前等事自當隨時按律嚴辦其中有先

行出力追蒙